



ЎЗБЕКИСТОН RESPUBLIKASI PREZIDENTINING QARORI

2020 йил « 30 » июнь

№ ПК-4768

Ўзбекистон Республикаси Ёшлар ишлари агентлиги фаолиятини ташкил этиш тўғрисида

Ўзбекистон Республикаси Президентининг 2020 йил 30 июндаги “Ўзбекистон Республикасида ёшларга оид давлат сиёсатини тубдан ислоҳ қилиш ва янги босқичга олиб чиқиш чора-тадбирлари тўғрисида”ги ПФ-6017-сон Фармонига мувофиқ:

1. Куйидагилар:

а) Ўзбекистон Республикаси Ёшлар ишлари агентлигининг **ташкилий тузилмаси 1-иловага мувофиқ;**

б) Ўзбекистон Республикаси Давлат бюджетидан молиялаштириладиган бошқарув ходимларининг умумий чекланган сони:

75 штат бирлигидан иборат Ўзбекистон Республикаси Ёшлар ишлари агентлиги марказий аппаратининг тузилмаси 2-иловага мувофиқ;

766 штат бирлигидан иборат Ўзбекистон Республикаси Ёшлар ишлари агентлигининг Қорақалпоғистон Республикаси, вилоятлар ва Тошкент шаҳар бошқармаларининг ҳамда туман (шаҳар) бўлимларининг тузилмалари 3 ва 4-иловаларга мувофиқ тасдиқлансин.

Ўзбекистон Республикаси Ёшлар ишлари агентлиги (кейинги ўринларда - Агентлик) директориغا зарурат бўлганда, Агентликнинг марказий аппарати ва ҳудудий бўлимлари, шунингдек, идоравий бўйсунувидаги ташкилотлар тузилмаларига бошқарув ходимларининг чекланган умумий сони ҳамда меҳнатга ҳақ тўлаш фонди доирасида ўзгартиришлар киритиш ҳуқуқи берилсин.

2. Ўзбекистон ёшлар иттифоқи, Ўзбекистон Республикаси Давлат активларини бошқариш агентлиги, Ўзбекистон Миллий телерадиокомпанияси, Маҳалла ва оилани қўллаб-қувватлаш вазирлигининг ёшлар ҳаёти, орзу-интилиш ва муваффақиятларини кенг ёритиш, муаммо ва камчиликлари ечимига қаратилган курсатув, мақола ва эшиттиришлар тайёрлашни йўлга қўйиш мақсадида ушбу йўналишда фаолият юритувчи оммавий ахборот воситалари ва нашриётлардаги улушларини Агентликка бериш ҳамда Агентлик томонидан улар негизда акциядорлик жамияти шаклидаги **"Yoshlar media holdingi"**ни ташкил этиш туғрисидаги таклифлари қўллаб-қувватлансин.

Агентлик уч ой муддатда **"Yoshlar media holdingi"** акциядорлик жамияти фаолиятини ташкил этиш бўйича норматив-ҳуқуқий ҳужжат лойиҳасини белгиланган тартибда Ўзбекистон Республикаси Вазирлар Маҳкамасига киритсин.

3. Агентлик:

ёшлар йўналишида фаолият курсатувчи нодавлат ноижорат ташкилотларига ўз фаолиятини йўлга қўйиш, амалга ошириш ва ривожлантиришда ҳар томонлама ташкилий ва амалий ёрдам курсатсин;

уч ой муддатда **"Камалак"** болалар ташкилоти фаолиятини такомиллаштириш ва қўллаб-қувватлаш юзасидан Ўзбекистон Республикаси Вазирлар Маҳкамасига таклиф киритсин.

4. Белгилаб қўйилсинки:

Агентлик ёшларга оид давлат сиёсатини ишлаб чиқувчи ва амалга оширувчи, шунингдек, ёшларнинг интеллектуал, ижодий ва бошқа йўналишдаги салоҳиятини камол топтириш учун шароитлар яратишга қаратилган ижтимоий-иқтисодий, ташкилий ва ҳуқуқий чора-тадбирларни тизимли равишда амалга оширувчи давлат бошқарув органи ҳисобланади;

Агентликнинг ўз ваколати доирасида қабул қилган қарорлари ёшларга оид давлат сиёсатини рўёбга чиқаришда иштирок этувчи барча давлат органлари ва бошқа ташкилотлар, мансабдор шахслар учун мажбурийдир;

давлат ва давлат улуши мавжуд бўлган олий таълим муассасасининг ёшлар билан ишлаш бўйича проректори (филиал директори ўринбосари) лавозимига номзод Агентлик билан келишилган ҳолда белгиланган тартибда лавозимга тайинланади ва лавозимидан озод этилади;

ёшларга оид давлат сиёсатини амалга оширишга бевосита ёки билвосита таъсир қиладиган норматив-ҳуқуқий ҳужжатларнинг лойиҳалари Агентлик билан **мажбурий равишда келишилади**;

Агентликнинг ҳудудий бошқармалари бошлиқлари ҳар чорақда тегишли халқ депутатлари Кенгашлари йиғилишларида ёшлар фаолияти билан боғлиқ соҳаларда учраётган долзарб муаммо ва камчиликлар ҳамда уларнинг ечими бўйича ахборот беради;

Агентлик ва унинг ҳудудий бошқармалари давлат органлари ва ташкилотларига ёшларга оид давлат сиёсатини амалга ошириш бўйича норматив-ҳуқуқий ҳужжатлар ва дастурларнинг ижроси ҳамда уларнинг ваколатларига кирадиган бошқа муҳим масалалар юзасидан асослантирилган тушунтириш бериш талаби билан сўров юбориш ҳуқуқига эга;

Агентлик давлат органлари ва ташкилотлари раҳбарларига ёшлар тўғрисидаги қонун ҳужжатлари бузилиши, уларни келтириб чиқарувчи сабаб ва шароитларни бартараф этиш бўйича куриб чиқилиши мажбурий бўлган тақдимномалар киритади;

Агентлик ёшлар масалалари бўйича бошланғич ташкилотларга ҳар томонлама кўмаклашиш ҳамда уларнинг фаолияти самарадорлигини оширишга масъул ҳисобланади;

Ўзбекистон Республикаси Давлат бюджети маблағлари ва қонун ҳужжатларида тақиқланмаган бошқа манбалар Агентлик фаолиятини молиялаштириш манбалари ҳисобланади.

5. Белгилансинки:

а) Агентлик директори Ўзбекистон Республикаси Бош вазирининг тақдимномасига асосан Ўзбекистон Республикаси Президенти томонидан лавозимга тайинланади ва лавозимидан озод этилади;

б) Агентлик директорининг ўринбосарлари, шу жумладан биринчи ўринбосари Агентлик директори тақдимномасига асосан Ўзбекистон Республикаси Бош вазири томонидан лавозимга тайинланади ва лавозимидан озод этилади;

в) мақоми, меҳнатга ҳақ тулаш, моддий рағбатлантириш ва тиббий хизмат курсатиш шартларига қура:

Агентлик директори – вазирга, унинг биринчи ўринбосари – вазирнинг биринчи ўринбосарига, ўринбосарлари – тегишли равишда вазир ўринбосарларига;

Агентликнинг марказий аппарати ходимлари – вазирликлар марказий аппарати, ҳудудий бўлинмалари ходимлари эса – вазирликлар ҳудудий бўлинмалари ходимларига тенглаштирилади;

г) Агентлик марказий аппарати ходимларига ягона тариф сеткаси бўйича меҳнатга ҳақ тўлашнинг тасдиқланган разрядларига кўра лавозим маошларини аниқлашда тариф коэффициентлари **1,8 барабар миқдорда**, Агентлик ҳудудий бўлинмалари ходимларига **1,2 барабар миқдорда** қўлланилади.

6. Агентлик директори икки ой муддатда Агентликнинг унга юкланган вазифаларни бажариш учун зарур билим ва амалий кўникмаларга эга бўлган юқори малакали мутахассислар билан тўлдирилишини таъминласин.

7. Ўзбекистон ёшлар иттифоқининг унинг Марказий ва ҳудудий кенгашлари балансидаги ва оператив бошқарув ҳуқуқи асосида тегишли бўлган бино ва иншоотлари, шунингдек, мол-мулкларини (фаолиятини таъминлашга етарли қисмини ўз балансида сақлаб қолган ҳолда) ўрнатилган тартибда давлат мулки сифатида оператив бошқарув ҳуқуқи асосида тегишлича Агентлик ва унинг ҳудудий бўлинмаларига ўтказиш тўғрисидаги таклифига розилик берилсин.

Агентликнинг марказий аппарати Тошкент шаҳар, Навоий кўчаси, 11-уй манзилдаги бинога жойлаштирилсин.

8. Ўзбекистон Республикаси Давлат активларини бошқариш агентлиги, Агентлик, Ўзбекистон ёшлар иттифоқи Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда бир ой муддатда мазкур қарорнинг 7-бандида кўзда тутилган бино ва иншоотлар, шунингдек, мол-мулкларни хатловдан ўтказсин.

Ўзбекистон Республикаси Вазирлар Маҳкамаси ушбу мол-мулкларнинг Ўзбекистон ёшлар иттифоқи фаолиятини таъминлашга етарли қисмини унинг балансида сақлаб қолган ҳолда Агентлик ва унинг ҳудудий бўлинмаларига ўтказилишини таъминласин.

9. Ўзбекистон Республикаси Иқтисодий тараққиёт ва камбағалликни қисқартириш вазирлиги, Агентлик, Молия вазирлиги Ёшлар марказлари ва ёшлар учун мўлжалланган бошқа инфратузилма объектларини қуриш ва реконструкция қилиш ишлари Агентликка ажратилган маблағлар доирасида амалга оширилишини инobatга олсин.

10. Ўзбекистон Республикаси Маданият вазирлиги ва Ўзбекистон ёшлар иттифоқининг Тошкент шаҳар “Ёшлар ижод саройи” қошидаги **Ёшлар симфоник оркестри** негизида **Ўзбекистон давлат симфоник оркестрини** ташкил этиш ва амалдаги меҳнатга ҳақ тўлаш шартлари сақланиб қолган ҳолда **Ўзбекистон Республикаси Маданият вазирлиги тузилмасига** ўтказиш тўғрисидаги таклифи қўллаб-қувватлансин.

Ўзбекистон Республикаси Молия вазирлиги Ўзбекистон давлат симфоник оркестри фаолиятини молиялаштириш учун зарур маблағларни 2020 йилда Ўзбекистон ёшлар иттифоқи учун давлат бюджетида қўзда тутилган маблағлар ҳисобидан ажратсин, 2021 йилдан бошлаб эса – Ўзбекистон Республикаси Давлат бюджети параметрларини шакллантиришда назарда тутилишини таъминласин.

11. Ўзбекистон Республикаси Олий ва ўрта махсус таълим вазирлиги Агентлик билан биргаликда икки ой муддатда 2020/2021 ўқув йилидан бошлаб олий таълим муассасаларидаги Ўзбекистон ёшлар иттифоқининг бошланғич ташкилот етакчиларини сақлаш харажатларини қоплаш юзасидан таклиф киритсин.

12. Ўзбекистон Республикаси Ахборот технологиялари ва коммуникацияларини ривожлантириш вазирлиги Агентлик ва унинг ҳудудий бўлинмаларини белгиланган тартибда юқори тезликдаги Интернет тармоғига улашни, шунингдек, зарур алоқа, жумладан ҳукумат алоқаси билан таъминласин.

13. Агентлик:

молия, иқтисодий тараққиёт ва камбағалликни қисқартириш, бандлик ва меҳнат муносабатлари, ички ишлар вазирликлари, Ўзбекистон Республикаси Давлат солиқ қўмитаси, Давлат божхона қўмитаси, Давлат статистика қўмитаси, Бош прокуратураси, Олий суди, бошқа вазирлик ва идораларнинг статистика ахбороти;

Ўзбекистон Республикаси Молия вазирлиги ҳузуридаги Бюджет-солиқ тадқиқотлари институти ҳамда Иқтисодий тараққиёт ва камбағалликни қисқартириш вазирлиги ҳузуридаги Прогнозлаштириш ва макроиқтисодий тадқиқотлар институтининг таҳлилий материаллари мажбурий юбориладиган реестрга киритилсин.

14. Ўзбекистон Республикаси Президенти ҳузуридаги Давлат бошқаруви академияси ҳамда Ўзбекистон ёшлар иттифоқининг Ўзбекистон Республикаси Президенти ҳузуридаги Давлат бошқаруви академияси қошидаги Ёшлар муаммоларини ўрганиш ва истиқболли кадрларни тайёрлаш институтини (кейинги ўринларда – Институт) Агентлик тузилмасига ўтказиш туғрисидаги таклифига розилик берилсин.

Қуйидагилар Институт фаолиятининг асосий йўналишлари этиб белгилансин:

ёшларга оид давлат сиёсати ижроси мониторингини олиб бориш, ёшлар муаммоларини тизимли урганиш ва уларни ҳал этишга қаратилган амалий таклифлар ишлаб чиқиш;

давлат ҳокимияти, вазирлик, идора ва ташкилотларда фаолият юритувчи истиқболли ёш кадрларни қайта тайёрлаш ва малакасини ошириш, улар фаолиятини услубий жиҳатдан мувофиқлаштириш, ёш бошқарув ходимларини профессионал жиҳатдан ривожлантириш учун ўқув-услубий қўлланмалар тайёрлаш;

ёшларга оид қонун ҳужжатлари ва давлат дастурлари лойиҳаларини тайёрлашда иштирок этиш, уларни такомиллаштириш юзасидан таклифлар ишлаб чиқиш;

вазирлик, идора ва ташкилотлар буюртмалари асосида ёшлар муаммоларини урганишга қаратилган фундаментал ва илмий-амалий тадқиқотларни амалга ошириш;

ёшлар дуч келаётган долзарб муаммолар, уларнинг барқарор ривожланишига тўсиқ бўлаётган таҳдидларни аниқлашга қаратилган социологик тадқиқотлар утказиш;

ёшлар соҳасидаги ишларни самарали йўлга қўйишга қаратилган услубий қўлланмалар ишлаб чиқиш, анжуманлар, “давра суҳбатлари” ва илмий-амалий семинарлар ташкил этиш;

ёшлар масалаларида Ўзбекистон Республикасининг минтақавий ва халқаро ҳамкорлик истиқболлари борасида қўшма тадқиқотлар олиб бориш.

15. Ёшлар муаммоларини урганиш ва истиқболли кадрларни тайёрлаш институтининг тузилмаси 5-иловага мувофиқ тасдиқлансин.

16. Белгилансинки:

Институт Ўзбекистон Республикаси Президенти ҳузуридаги Давлат бошқаруви академияси қошидаги Ёшлар муаммоларини урганиш ва истиқболли кадрларни тайёрлаш институтининг барча ҳуқуқ, мажбуриятлари ва шартномалари буйича ҳуқуқий вори ҳисобланади;

Институт асосий фаолияти ёшлар муаммоларини урганиш, мазкур йўналишда илмий ва таҳлилий тадқиқотлар утказиш ҳамда истиқболли ёш кадрларни қайта тайёрлаш ва малакасини оширишга йўналтирилган юридик шахс мақомига эга бўлган давлат муассасаси ҳисобланади, шунингдек, Ўзбекистон Республикасининг

Давлат герби тасвири туширилган ва ўз номи давлат тилида ёзилган муҳрга ва бланкаларга, мустақил балансга ҳамда шахсий ғазна ҳисобварақларига эга бўлади;

Ўзбекистон Республикаси Президенти ҳузуридаги Давлат бошқаруви академияси Институт фаолиятига доимий равишда **илмий-услубий ёрдам курсатиб боради**;

Институт директори Ўзбекистон Республикаси Вазирлар Маҳкамаси билан келишилган ҳолда **Агентлик директори томонидан** лавозимга тайинланади ва лавозимидан озод этилади;

меҳнатга ҳақ тўлаш шартлари, моддий рағбатлантириш ҳамда тиббий хизмат курсатиш шартларига кўра Институт директори - Ўзбекистон Республикаси Президенти ҳузуридаги Давлат бошқаруви академияси **проректорига, ходимлари** - Ўзбекистон Республикаси Президенти ҳузуридаги Давлат бошқаруви академиясининг **ходимларига тенглаштирилади**;

Институт директорига ходимларига моддий рағбатлантириш махсус фонди ҳисобидан тариф ставкасининг **100 фоизигача миқдорид**а **ойлик устамалар белгилаш**, шунингдек, қонун ҳужжатларига мувофиқ бошқа моддий рағбатлантириш чораларини қўллаш ҳуқуқи берилади;

ўзига юклатилган вазифаларни амалга ошириш учун Институт шартнома асосида таълим ва илмий-тадқиқот муассасалари ходимлари, шунингдек, вазирлик, идора ва ташкилотлар мутахассисларини жалб қилиш ҳуқуқига эга.

17. Куйидагилар Институт фаолиятини молиялаштириш манбалари этиб белгилансин:

Ўзбекистон Республикаси Давлат бюджети маблағлари;

фундаментал, амалий ва инновацион тадқиқотларнинг давлат илмий дастурларида назарда тутилган маблағлар;

ҳужалик фаолияти ҳамда шартнома асосида ўқув, методик ва илмий-тадқиқот лойиҳалари, ахборот-таҳлил ҳамда таҳририй-нашриёт ишларини бажариш, таълим ва бошқа хизматлар **курсатишдан тушадиган маблағлар**;

жисмоний ва юридик шахсларнинг ҳомийлик хайриялари;

халқаро молия институтлари, хорижий ташкилотларнинг грантлари доирасида тушадиган маблағлар.

18. Институт Тошкент шаҳар, Ислон Каримов кўчаси, 45-уй манзилида жойлашган Ўзбекистон Республикаси Президенти ҳузуридаги Давлат бошқаруви академияси биносига текин фойдаланиш ҳуқуқи асосида жойлаштирилсин.

19. Ўзбекистон Республикаси Молия вазирлиги:

Ўзбекистон Республикаси Давлат бюджети параметрлари доирасида 2020 йилда Агентлик ҳамда Институт таъминоти учун маблағлар ажратсин, 2021 йилдан бошлаб эса ҳар йили зарур бюджет маблағларини назарда тутсин. Бунда, Ўзбекистон Республикасининг "2020 йил учун Ўзбекистон Республикасининг Давлат бюджети тўғрисида"ги Қонунига ўзгартириш ва қўшимчалар киритилгунга қадар харажатларни молиялаштириш 2020 йил учун Ўзбекистон ёшлар иттифоқида давлат бюджетидан ажратилган маблағлар ҳисобидан амалга оширилиши инобатга олинсин;

Агентлик марказий аппарати учун 8 та хизмат автотранспорт воситасини, шу жумладан 6 та шахсий бириктирилган хизмат автотранспорт воситаси, 1 та навбатчи автотранспорт воситаси ва 1 та микроавтобус ҳамда ҳудудий бошқармалар учун 14 та хизмат енгил автотранспорт воситасини сақлаш учун лимит белгиласин.

20. Ўзбекистон Республикаси Президентининг 2017 йил 14 августдаги "Ўзбекистон Республикаси Президенти ҳузуридаги Давлат бошқаруви академияси қошидаги Ёшлар муаммоларини ўрганиш ва истиқболли кадрларни тайёрлаш институти фаолиятини ташкил этиш чора-тадбирлари тўғрисида"ги ПҚ-3206-сон қарори ўз кучини йўқотган деб ҳисоблансин.

21. Агентлик Ўзбекистон Республикаси Адлия вазирлиги, бошқа манфаатдор вазирлик ва идоралар билан биргаликда икки ой муддатда қонун ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

22. Мазкур қарор ижроси қуйидаги тартибда амалга оширилсин:

Агентлик директори – ушбу қарорда белгиланган вазифаларни ўз вақтида ва сифатли амалга оширишда масъул вазирлик, идора ҳамда ташкилотларга услубий ва амалий ёрдам кўрсатсин, белгиланган вазифалар ижроси бўйича юзага келадиган масалаларни тезкорлик билан ҳал этилишини таъминласин;

масъул вазирлик, идора ва ташкилотлар раҳбарлари – ушбу қарорда назарда тутилган тадбирларни ўз вақтида, тўлиқ ва сифатли бажариш юзасидан барча зарур чора-тадбирларни амалга оширсин;

Ўзбекистон Миллий ахборот агентлиги бош директори А.К. Кўчимов, Ўзбекистон Миллий телерадиокомпанияси раиси А.Д. Хаджаев – ушбу қарорнинг мазмун-моҳияти ва амалий аҳамиятини ёритишга оид мақолалар, брифинглар, пресс-конференциялар, тематик телекурсувлар ташкил этсин.

23. Мазкур қарорнинг ижросини назорат қилиш Ўзбекистон Республикаси Президентининг маслаҳатчиси А.А. Абдувахитов ва Ўзбекистон Республикаси Бош вазирининг ўринбосари Б.А. Мусаев зиммасига юклансин.


**Ўзбекистон Республикаси
Президенти**




Ш.Мирзиёев

Тошкент шаҳри

**Ўзбекистон Республикаси Ешлар ишлари агентлигининг
ТАШКИЛИЙ ТУЗИЛМАСИ**



Ўзбекистон Республикаси Ёшлар ишлари агентлиги марказий аппаратининг
ТУЗИЛМАСИ




Бошқарув ходимларининг умумий чекланган сони - 75 штат бирлиги.

Ўзбекистон Республикаси Ёшлар ишлари агентлиги
Қорақалпоғистон Республикаси, вилоятлар ва Тошкент шаҳар бошқармаларининг
ТУЗИЛМАСИ



Бошқарув ходимларининг умумий чекланган сони - 11 штат бирлиги, жами - 154 штат бирлиги.

Ўзбекистон Республикаси Ёшлар ишлари агентлиги
туман (шаҳар) бўлимларининг
ТУЗИЛМАСИ



Бошқарув ходимларининг умумий чекланган сони - 3 штат бирлиги, жами - 612 штат бирлиги.

Ёшлар муаммоларини ўрганиш ва истиқболли кадрларни тайёрлаш институтининг
ТУЗИЛМАСИ



Ходимларнинг чекланган умумий сони - 26 штат бирлиги (профессор ўқитувчилар тарбиби, техник ва хизмат курсатувчи ходимлар инобатга олинмаган ҳолда).
шу жумладан бошқарув ходимлари сони - 18 штат бирлиги, укув-ердамчи ходим сони - 1 штат бирлиги.

